

SOLIDARNOST

BILTEN MEĐUNARODNOG STUDENTSKOG KLUBA PRIJATELJSTVA ZAGREB

Godina III

Zagreb, 10. V 1968.

Broj 4

RADNI LJUDI CIJELOG SVIJETA !

Narodi Socijalističke Jugoslavije otvorena srca pozdravljaju sve vaše uspjehe i dostignuća kao odlučni i nepokolebljivi suborci u borbi za mir, za ravnopravnu suradnju među narodima i državama, za brži napredak zemalja u razvoju, za uklanjanje politike s pozicija sile i miješanja u unutrašnje stvari drugih zemalja.

Pružamo punu podršku svima onima koji imperijalizam, izrabljivanje i nečovještvo osjećaju na svojoj koži ili zbog svoje kože. Naša osjećanja su na strani svih naroda koji još vode borbu za svoje nacionalno oslobođenje, za svoje dostojanstvo i napredak. I ovaj Prvi maj slavimo kao dan naše pune podrške herojskoj borbi vijetnamskog naroda koji, boreći se protiv imperijalističkog podjarmljivanja, daje doprinos miru i slobodi svih naroda.

Radujemo se što je sve više pokreta, naroda i zemalja koji se orijentiraju i kreću putevima izgradnje socijalizma, prema vlastitim uvjetima i mogućnostima. Socijalizam nema granica. On se širi i učvršćuje svuda gdje čovjek stremi slobodi i progresu.

Živio Prvi maj - međunarodni praznik rada i solidarnosti radnih ljudi u borbi za mir, slobodu i progres !

/ Izvod iz zajedničkog prvomajskog proglasa Savezne konferencije SSRNJ, Centralnog komiteta SKJ, Centralnog vijeća SSJ, Saveznog odbora Saveza udruženja boraca NORJ i Predsjedništva Saveza omladine Jugoslavije /

Iz moje domovine

KURDISTAN

Medju našim mladim jugoslavenskim prijateljima vrlo je malen broj onih koji su nešto bolje upoznati s planinama Kurdistana i narodom koji tamo živi, stvara i bori se - Kurdima.

Svijetom, civiliziranom zapadnom "vropom, kruže i reportaže o Kurdima kao divljim, neciviliziranom ljudima bez kulture, koji jedino znaju da ratuju. I tačno je da se mi Kurdi borimo i da naša djeca prije igračke upoznaju pušku. No, vjerujte nam, mi se ne borimo iz ljubavi prema ratu i oružju, nego iz ljubavi prema slobodi. I jedino zbog slobode našeg naroda, mi ratujemo.

Inače, narod Kurda je vrlo star. Poznati povjesničari, kao Kazimifon (živio je 400 g. p.n.e.), Boldki i Hartman govore o Kurdima kao narodu nastalom 3000 god. p.n.e. od naroda Kurdah i Sirta. Religija, koja je odigrala vrlo važnu ulogu u razvitku Kurda vrlo je stara. U samim počecima historije kurdskog naroda, postojelo je vjerovanje u Zaratrustu. Kadjanje novih vjera utjecalo je i na Kurde. Neki su prihvatili vjeru Mojsija, zatim kršćanstvo. Pojavu islama iskoristili su Arapi, a zatim i Turci da zagospodare kurdskim narodom. Sve do prvog svjetskog rata islam je predstavljao kočnicu borbi za oslobodjenje, no danas je to prestao biti.

Kako zemlje u kojima Kurdi danas žive nisu pomogle da se razvije bilo kakav oblik industrije, narod se pretežno bavi zanatstvom, stočarstvom i trgovinom. Najrazvijenije je ćilimoarstvo, rezbarstvo i lončarstvo. Važna je i proizvodnja boje za te artikule. Najpoznatiji trgovačko-zanatski centri su gradovi Bitlis, Arbil, Sana i Sodlac.

Kurdistan je smješten u Maloj Aziji, okružen je Sirijom i Irakom s juga, Turskom sa zapada, SSSR sa sjevera i Iranom s istoka. Ove zemlje su medjusobno podijelile Kurdistan, te on ne postoji kao slobodna država. Osim u SSSR gdje Kurdi imaju nacionalna prava, u ostalim zemljama njihov je položaj bespravan i ne priznaju se kao poseban narod s vlastitim jezikom, kulturom i tradicijom.

Ponosni kurdski narod ne podnosi ugnjetavanje, oduzimanje prava i slobode, te pod vodstvom svog narodnog junaka El Barzanija, tvorca Demokratske kurdske partije, vodi borbu za oslobodjenje. El Barzani uživa punu podršku svog naroda i u ovoj borbi okuplja oko sebe na hiljade slobodoljubivih ljudi, pa prema tome i KP zemalja u kojima žive Kurdi.

Željeli bismo da u nekoliko napisa, barem donekle, informiramo naše kolege u Jugoslaviji, naše drugove s fakulteta i škole i sve one koji nisu u dovoljnoj mjeri upoznati s našom borbom i željama, o Kurdistanu i njegovom narodu. Htjeli bi da vam približimo nas i našu želju za slobodom i našim mogućnostima da je ostvarimo, te da jednom, kasnije, kada je ostvarimo, možemo pisati s još više ponosa o našoj historiji i tekovinama koje smo ostvarili.

S.Z.